



OIARTZUNGO
UDALA

GAZTE BATZARRA 2023

Data	Hasiera ordua	Bukaera ordua
2023/12/15	18:00	19:30

BILDUTAKOAK:

Udal ordezkariak:	Ekain Susperregi eta Nora Velez del Burgo		
Herritarrak:	Euskaraz: 9	Elebitan: 0	
	Emakumezkoak: 8	Gizonezkoak: 1	
	<25 urte: 5	25-30: 4	30-35: 0

AKTA:

Gaia	Ekarpena eta iruzkinak
Aurkezpena	Batzarrean zehar landuko den gai zerrenda azaldu da.
Legealdirako proiektuak	<p>Lan ildo nagusi edo estrategikoen berri eman dugu</p> <p>ABIAPUNTUA</p> <ol style="list-style-type: none">1) Aurreko legealdietatik jaso duguna oso baikorra izan da, eta horrek lagundu egiten du: herriak udalean duen konfiantza, zorrik gabeko udala izatea, talde polita sortu dugu, teknikariek zinegotzietatik izan duten harrera oso ona izan da. Proiektuen aldetik ez gara zerotik hasi, aurreko taldeak egindako lanaren jarraipena egingo dugu.2) Herritarrekin lan egiteko formula berriak bilatu behar ditugu, abiapuntua auzolana izango litzateke, UDALGINTZA HERRIGILEA, arriskuak aukera bihurtzeko udal politika. Herritarrak dira protagonista, udalak baliabideak jartzen ditu, baina ondoren sektore ekonomiko bat egon behar da bultzada emango diona.3) Hauteskundeak irabazi ditugu, eta programan hitz emandakoa bete egin behar dugu.4) Krisi egoera orokor batean gaude, baina horren aurrean Oiartzundik bertatik egoerari buelta ematen hasi beharko genuke



OIARTZUNGO
UDALA

LEGEALDI PLANA

3 lan-lerrotan banatuta dago: herritarrak (ongizatea, kultura, euskara, ongizatea...), lurraldea (lurraren zein herriaren antolaketa) eta antolaketa (udaletxearen funtzionamendua eta zein giza-baliabide dituen)

LAN ILDO ESTRATEGIKOAK

- 1) ELIKADURA BURUJABETZA: gaur egun, udalak laguntzen dituen hainbat egitasmo daude martxan. Udalak hasierako bultzada eman die elkarte hauei, eta ondoren beren bidea egin dute. Herriko lurrak erosten jarraituko dugu 1.sektorea bultzatzeko, herriko sukaldeak hornitu nahi ditugu herrian bertan ekoiztiko jakiekin (herriko ikastetxeak, zahar etxea...). Herrian badaude ekimen ugari beren kabuz proiektuak bultzatzen ari direnak, baina ez dute foro komunik elkarlanean aritzeko.
- 2) ENERGIA BURUJABETZA: sortu berri da Argitturri kooperatiba (hiruki horren parte den zutabe sozioekonomikoa). Udal mailan zein herri mailan neurriak hartu behar dira klima aldaketa dela-eta.
- 3) MUGIKORTASUN JASANGARRIA: herrian ohiturak aldatzen hasi behar dugu. Bizikletak lehenesteko plana egiteko asmoa dago (aparkalekuak...). Beste asmo bat da Arraguan intermodala eskatzea, oiartzuarrok aukera izan dezagun Euskal Herriko hainbat lekutara joateko: Gasteiz, Bilbo, Iruñea...
- 4) OSASUNA ETA ZAINZA: Zaintzadi programaren inguruan hitz egin dugu, bakardade ez hautatuan dauden herritarrak laguntzeko egitasmoa da. 22 herritarrek eman dute dagoeneko izena ekimen honetan. Zaintzadiren ideia da udalak laguntzea, baina herritarren sare baten laguntzarekin batera. Zaintza askotan osasun arazoak konpontzarekin lotuta egoten da, baina udalaren ardura da bitzita aktiboa sustatzea, bakardadeari laguntzeko modua ere baita horrelako ekimenak antolatzea.
- 5) KULTURA EUSKARAZ: bizi ditugun garaiek euskalgintza hauspotzeko beharra erakusten dute (etorkinak, euskararen aurkako erasoak...).



OIARTZUNGO
UDALA

	<p>Landetxe dagoeneko eraiki dugu, eta orain kultura plana egiteko momentua da. Gazte sortzaile ugari dugu herrian. Irakurzaletasuna sustatzeko aukera berriak aztertuko ditugu. Ondarea balioan jarriko dugu, eta udalaren lokalak eskura jarriko ditugu herriko kultur-sorkuntza bultzatzeko.</p> <p>LEGEGINTZALDIAN MARTXAN DIREN ETXEBIZITZA SUSTAPENAK: Altzibar zein Iturriozko promozioen berri eman da. Etorkizunean Ugaldetxon eta Arraguan etxebizitza ugari egingo direla azaldu da. Elizaldeko Urkabe Baitako eremuaz hitz egin da. Babes ofizialekoetan interesa izanez gero, Etxebiden eman behar da izena, eta Altzibarreko tasatuetarako urtarrileko plenoan irekiko da izena emateko epea.</p> <p>Udal etxebizitza bulegoaren inguruko informazioa eskaini da.</p> <p>UDAL ORDENANTZEN IGOERA: %1,5 igoko dira tasak. Udalak sekulako ahalegina egin du azken urteetan ez igotzeko. Hala eta guztiz ere, KPIa baino gutxiago igo dugu gure herrian, azken batean, oreka bilatu behar dugu kalitatezko zerbitzuak izateko.</p>
<p>2024ko aurrekontu aurreikuspena</p>	<p>AURREKONTUA</p> <p>Lan ildo eta erronka hauentzat 20.200.000 euro ditugu. Arloz arlo ondorengo izango da banaketa: Herritarren arloak %49, lurraldeak %36 eta antolaketak %15.</p> <p>Honakoak izango dira inbertsio nagusiak: mugikortasuna (bidegorri sarea, aparkaleku seguruak), energia (efizientzia energetikoan pausuak eman, energia berriztagarrien instalazioak), liburutegia birdiseinatu, herritarrentzako arreta gunee bakarra jarri udalean, futbol zelai artifizial berria, udal eraikinen mantenua, hirigintza (Urkabe baitako etxeak eta Altzibarko promozioa), kulturgintza (kultura plana landu eta Landetxe erreferente bihurtu), ongizatea (bazterkeria egoeran dauden pertsonentzako eguneko zentroa).</p>



OIARTZUNGO
UDALA

Gazteak	<p>Herritarrek hainbat galdera edo kontsulta egin dituzte:</p> <ul style="list-style-type: none">- Etxebizitza tasatuak eta VPO etxebizitzak zer ziren galdetu dute. Batzuek ez zuten horien berri.- Arraguan egingo diren VPOko alokairuzko etxebizitzaren inguruan galdetu dute. Diru sarreren baitakoa izango da etxebizitza horien alokairuaren zenbatekoa, baina bertan bizi den maizterraren diru sarrerak asko aldatuko balira, (diru sarrerak asko igo, lanpostuz aldatu, ezkondu eta diru sarrerak bikoiztu...) etxea utzi beharko lukeen galdetu dute. Akta bidez erantzungo zaiela adierazi zaie. Erantzuna: <i>Teorian urtero berrikusi beharko lirateke diru-sarrerak (lan kargaren arabera batzuetan denbora gehiago pasatzen omen da). Maizter batek baldintzak betetzeari utziko balio, etxea uzteko eskatuko litzaioke eta baldintzak betetzen dituen beste pertsona bati esleituko litzaioke etxea.</i>- Oiartzun etxebizitzari dagokionez tentsio handiko eremu izendatu daitekeen edo udalean gaia zertan den galdetu da. Akta bidez erantzungo zaiela adierazi zaie. Erantzuna: <i>Gaia aztertuko du udalak, zenbait baldintza bete behar baitira izendapen hori lortzeko.</i>- Bazterkeria egoeran dauden pertsonentzako eguneko zentroaren gestioa eskualdeko udalek edo azpikontrataturako enpresa batek egingo duena galdetu dute. Akta bidez erantzungo zaiela adierazi zaie. Erantzuna: <i>Ez dago zehaztuta, aukera ezberdinak aztertzen ari gara.</i>



OIARTZUNGO
UDALA

BALORAZIO ORRIA:

Hizlariak: bileran zehar emandako azalpenak	10
bilera ongi gidatu da	10
Bileran erabili den metodologiaren egokitasuna	9.5
Auzotar kopurua	5
Auzotarren partehartzea (ekarpenak egiten)	8
Saioa probetxugarria izan al da?	9
Egunaren egokitasuna	9
Orduaren egokitasuna	9
Lekuaren egokitasuna	9